



Suliap normua: 2011-055335
Juni 2012

NAALAKKERSUISUT
AATSITASSANUT IKUMMATISSANULLU PISORTA QARFIK

**CE-mik ilisarnaatilimmut Nuummi Siaqqinneq 1-imi Betoncentralen af 15/7-76 ApS-
imut ujaqqanik aserorterummut akuersissut**

Aatsitassanut ikummatissanullu ingerlatanullu taakkununga pingaarutilinnut Inatsisartut inatsisaat nr. 7, 7. december 2009 (aatsitassanut ikummatissanullu inatsit) naapertorlugu Naalakkersuisut nalunaarutigaa, kinguliani pisinnaatitaasutut akuerisamut CE-mik ilisarnaatilimmut ujaqqanik aserorterummut Nuummi Siaqqinneq 1-imi pilersinneqartussamut kiisalu pujoralannik nipiliortitsinermillu annikillisisinissamut atortussanut akuersissuteqartoqarnera.

Iliuserisassanut kinguliani taaneqartutut akuerineqartunut allassimasut naapertorlugit pisinnaatitaasutut akuerisaasumut nalunaarutigineqarpoq.

Akuersissut pisinaasitaasutut akuerisaasumut uunga nalunaarutigineqarpoq:

Betoncentralen af 15/7-76 ApS
Ved: Knud-Erik Mogensen
Siaqqinneq 1
3900 Nuuk
GER-nummer: 46352513

Tunuliaqutaa

Aatsitassanut ikummatissanullu inatsip ukiut marluk sioqqullugit atuutilernissaanut Betoncentralen, betoninik pilersuisartuq nioqqutissioartorlu, suliffeqarfimmik ingerlataqarpoq, aatsitassanut ikummatissanullu inatsit § 47, imm. 1 taakkunngalu piumasaqaatit atuutsinneqartut



naapertorlugit akuersissummik nalunaarfigineqareerpoq. Isumannaatsuunissaq, peqqinnissaq avatangiisillu mianeralugit iluaquteqarniarneq illersorneqarsinnaasumik ingerlanneqassaaq.

Kommuneqarfik Sermersuup ilisimatitsissutigaa, Betoncentralenimiit pisumik ukiuni arlalinni nipiliortitsisarneq pillugu maalaaruteqartoqartartoq. Maalaarutigineqartut ilaatigut Nuus-suarimi Betoncentralenip kujataatungaani ineqartuniit kiisalu sisorartarfinni pujoralat-sitsisarneq pillugu maalaatuteqartoqartarpoq. Betoncentralenip ingerlataanut nunaminertamik pitsaannerusumik kommune innersuussissalluni periarfissaqarsimanngilaq.

Betoncentralen ukiuni 20-ni atuuttussamik utaqqiisaagallartumik nunaminertamik atugas-sanngortinneqarnissani kommunimut qinnuteqaatigaa. Kommunip piimasaqaatigaa, ukiuni 20-ni atuuttussamut sanaartukkamut qinnuteqaatigineqartumut avatangiisitigut akuersissummik Aatsitassanut Ikummatissanullu Pisortaqarfik akuersissutiginnissasoq. Avatangiisitigut akuersissutip akuersissutigineqarnissaanut nipiliortitsinerit pujoralaallu akornutaasut annikil-lisinneqarnissaat siunertaralugu Betoncentralen arlalinnik iliuuseqassaaq.

Iliuserineqartussat:

Piffissaq sivikinnerusoq eqqarsaatigalugu iliuusissat:

- 10 m/s-it sinnerlugit anoraannguartillugu imaluunniit 20 m/s sinnerlugit anorlertillugu nioqutissiortarnerup unitsinneqartarnissaa.

Piffissaq sivilisinerusoq eqqarsaatigalugu iliuusissat:

- CE-mik ilisarnaatilimmik aserorterummik nutaamik qallikkamik ingerlatsissummut kaavittumut ivertitsisoqarnissaa.
- Pingaannerusutut aserorterutip eqqaanut nipiliortitsinermut assiaqummik ivertitsisoqarnissaa.
- Uninngatitsivimmi anorimut assiaqummik ivertitsisoqarnissaa.

Betoncentralenimut nunaminertap atugassanngortitap eqqaanut atortulersuutit tamarmik inis-sinneqassapput.

Qinnuteqaatigineqartup pappiarartaata ilaatut Betoncentralen taamatuttaaq imaattumik inas-suteqarfineqassaaq:

- 30. april 2012-imut ilassutigineqartut ilaannut avatangiisitigut akuersissuteqarfigi-neqarnissaaq pillugu qinnuteqaateqartoqarnissaa.

1. Tamanut atuuttumik piumasaqaatit

101. Akuersissummi iliuusissat taaneqartut akuersissutigineqarnissaannut taamaallaat akuersissutigineqartoq tunngatinneqassaaq.

102. Pisinnaatitaasutut akuerisap akisussaaffigissavaa, pilersaarutit akuersissutigineqartut naapertorlugit ingerlatassat isumagineqartarnissaat.

103. Aatsitassanut ikummatissanullu inatsimmi § 86, imm. 2 naapertorlugu Aatsitassanut Ikummatissanullu Pisorta qarfik nakkutilliususaatitaavoq.

104. Nunaminertamik atugassangortitsinermit akuersissummi allanik akuersissuteqartoqarsimangippat piumasaqaatigineqartut maleruarneqassapput.

105. Pisinnaatitaasutut akuerisap isumannaassavaa, sulisorisat takkuttullu allat suliffeqarfiup eqqaanut maleruagassat pillugit, sulinermut takkuttarnermullu atuutsinneqartut, pillugit ilisimatinneqartarnissaat.

106. Aatsitassanut ikummatissanullu inatsit naapertorlugu inatsiseqartitsinerit allat pisariaqartinneqartut pillugit akuersissutip pisussaaffilinngilaa pisinnaatitaasutut akuerisap allanik akuersissuteqarnissaminik qinnuteqaateqartarnissaa.

107. Pisinnaatitaasutut akuerisaasup akisussaaffigaa, ingerlatat tamarmiusut akuerisaasut atuutsinneqartut aammalu inatsiseqartitsinerit qaqugumulluunniit atuutsinneqartut naapertorlugit ingerlanneqartarnissaat.

108. Aatsitassanut Ikummatissanullu Pisorta qarfik piumasaqaatinik atugassarititaasunillu nu-taanik alanik saqqummiussaqaarsinnaatitaavoq.

2. Pujoralatsitsinermut nipiliortitsinerimullu annikillisitsinissamut iliuuserineqartussat

201. Atortulersuutit qinnuteqaatit pappiarartaanni allassimasutut inissinneqassapput. Allanguutit annertuut Aatsitassanut Ikummatissanullu Pisorta qarfimmit akuersissutigineqartassapput.

202. Pujoralaat annikillisinneqartassapput pujoralatsitsisartut eqqaanni atortut imermik seqqitsarneqartarnerisigut. Erngup naammattup pissarsiarineqarsinnaannginnerani 10 m/s sin-

nerlugu avannertillugu imaluunniit anorip 20 m/s-it sinnerpagit nioqutissiorneq unitsinneqar-tassaaq. Piffissaq qaninnerusooq eqqarsaatigalugu iliuusissat piaarnerpaamik piviusunngortin-neqassapput.

203. Aserorterutinik nutaanik ivertitsinissat 2013-imi naammassineqareersimassapput.

204. Anorimut assiaqutaasumut betonit pisariaqarfiaatigut kingusinnerpaamillu aserorterutit nutaat qaammat ataaseq qaangiutsinnagu sapinngisamik suliarineqassapput inissinneqassallu-tillu.

3. Avatangiisit

301. Piiaanermut, katersuinermut, aserorterinermut, uninngatitsinermut ujaqqanik, sioqqanik taakkualu assigisaannik angallassinernut atatillugu avatangiisit qanorluunniit mingutsinneqar-nissaannut pisinnaasutut akuerisaasooq akisussaasuvoq.

302. Ujaqqanik piiaanermut aserorterinernullu atatillugu ilaatigut nipiliortitsinerit pujoralat-sitsinerillu annikillisinneqarnissaannut avatangiisit mianerineqarnissaannut pisinnaatitaasutut akuerisaasooq pimoorussilluni peqataasassaaq.

303. Atortulersuutit ingerlatallu nakkutilliivigineqartarnerannut atatillugu pisinnaatitaasutut akuerisap atortulersuutinik ingerlatanillu nakkutilliilluni uuttortaaarnermut pisinnaatitaasutut akuerineqartoq peqataasassaaq.

304. Pisinnaatitaasutut akuerisaq ukiumoortumik Aatsitassanut Ikummatissanullu Pisortaqaq-fimmumut imaattunik paasissutissiisassaaq:

- Ujaqqat piiakkat aserortikkallu ukiuni kingullerni isumagineqartartut annertussusaat suussusaallu.
- Avatangiisinut atatillugu pisut imaluunniit ajutoornerit.
- Sumiiffimmumut pineqartumut oqaasiinnakkut allakkatigulluunniit maalaarutigineqartut suliffeqarfimmumut apuunneqartut.
- Nipiliortitsinerit pujoralaallu akornutaasut annikillisinneqarnissaannut suliffeqarfiup ingerlassimasaanut imaluunniit pilersaarutaanut iliuuserineqartut, assersuutigalugu ni-piliortitsinermut assiaqutit imaluunniit assersuutit allat pilersinneqarnerat, aserorteru-tip allamut inissinneqarnera, aserorterummik angallattakkamik atuineq, pujoralaat al-lallu siaruaannissaat annikillisinnaarlugit imermik seqqitsaasarnerit.

305. Pisinnaatitaasutut akuerisaasup isumannaassavaa, avatangiisigisanut pujorlaat ingerlatseqatigiiffiup ingerlatsinerani piffissami ullut 30-t ingerlaneranni nakkaasut kvadratmeterimut 5 gramit sinnersimassanngikkaat.

306. Pisinnaatitaasutut akuerisaasup isumannaassavaa, suliffeqarfiup ingerlataasa eqqaaniittut inissiat, napparsimmaviit, paaqqinniffiit, sunngiffimmi inissiat, ilinniarfeqarfiit, meeqqueriviit/meeraaqqeriviit allallu Miljøstyrelsens vejledning nr. 5/1984, Ekstern støj fra virksomheder, imaluunniit kingusinnerusukkut allannguuteqartinneqartumi suliffeqarfinniit nipiliortitsinerit killissarititaannut ilitersuummi maleruagassat qaangerneqarsimanninnissaat.

307. Aatsitassanut Ikummatissanullu Pisortaqaqfimmiit kaammattuutit naapertorlugit pisinnaatitaasutut akuerisaasup nipiliortitsinerimut pujoralatsitsinerimullu kaammattuutigineqartut naammassissavai.

308. Nipiliortitsinerit pujoralatsitsinerillu annikillisineqarnissaannut iliuuseqarnissamut pisinnaatitaasutut akuerisaq peqquneqarsinnaavoq, tamatumani akuersissummi iliuusissat taaneqartut akuersissummi piumasaqaatigineqartut naammaginartumik iliuuseqarfigisimasannngikkaluarpagit.

309. Nipiliortitsinerit pujoralatsitsinerillu annikillisinneqarnissaannut pisinnaatitaasutut akuerisaasoq aammaarluni iliuuseqaqquneqarsinnaavoq.

4. Iliuserineqartut sunniutaannik missingiineq

401. Siunniussatut iliuuserineqartut ilimagineqartumik sunniuteqarnerisa ingerlaavartumik naliliiffigineqartarnissaat pillugit kiisalu avatangiisitigut akuersissummi piumasaqaatigineqartut naliliiffigineqartarnissaannut iliuuseqartoqartassaaq. Naliliinerit taakkua iluarsivigineqarnissaat kinguneqaateqartitsisinnaavoq, pisariaqarpallu pujoralatsitsinerimik nipiliortitsinerimillu akornusersuutit annikillisinneqarnissaat siunertaralugu atortulersuutinik allanik piumasaqartoqarsinnaasassalluni.

402. Anoreqarnerata kingunerisaanik ulluni nioqqutissiornerup unitsinneqarneranut atatillugu pisinnaatitaasutut akuerisaasup taakkua allattortassavai. Allattukkat qaammatit tamaasa Aatsitassanut Ikummatissanullu Pisortaqaqfimmumut qaammatit ulluisa qulingat nallertinnagu nassinneqartassapput.

5. Akuersissummut piffissaq atuutsinneqartussaq

501. Naalackersuisuniit ataatigut atsiorneq aallarnerfigalugu akuersissut 31. december 2032-p tungaanut atuutissaaq.

Ulloq:

Ulloq:

Knud-Erik Mogensen

Aatsitassanut Ikummatissanullu
Pisortaqarfik

Atit angisuunngorlugit

Atit angisuunngorlugit